

Ugovorne strane:

1. **MINISTARSTVO UNUTRAŠNJIH POSLOVA KANTONA SARAJEVO**, Sarajevo
ul. La Benevolencije broj 16, koje zastupa ministar Admir Katica (u daljem tekstu: Ugovorni organ) i
2. **“ORKA” d.o.o. SARAJEVO**, Mula Mustafe Bašeskije broj 6, koje zastupa direktor, Nihad Salkić
(u daljem tekstu: Dobavljač)

zaključili su:

UGOVOR

**„Nabavka usluga održavanja sistema OWIS – informacijski sistem za upravljanje dokumentima
Ministarstva unutrašnjih poslova Kantona Sarajevo“**

Član 1.

Predmet ovog ugovora je nabavka usluga održavanja sistema OWIS – informacijski sistem za upravljanje dokumentima za potrebe Ministarstva unutrašnjih poslova Kantona Sarajevo, putem otvorenog postupka, na osnovu Odluke broj 04-1-11-4-60203/24 od 28.11.2024. godine, broj obavještenja o nabavci 1364-1-2-107-3-88/24 i ponude Prodavca broj P-24-0110 od 20.12.2024. godine. Ponuda je sastavni dio ovog Ugovora.

Član 2.

Vrijednost nabavke iz člana 1. ovog ugovora iznosi 25.000,00 KM bez PDV-a (dvadesetpet hiljada i 00/100 KM).

Ugovorni organ će Ponuđaču izvršiti plaćanje ugovorene vrijednosti iz člana 2. ovog ugovora, na slijedeći način:

- Mjesečno u roku od 30 (trideset) dana po dostavljanju računa i
- dostavljenog potpisanog radnog naloga od strane nadležne organizacione jedinice.

Član 3.

Ponuđač je dužan dostaviti Garanciju za uredno izvršenje posla u roku od 10 dana od dana zaključivanja / obostranog potpisivanja / ugovora u obliku безусловne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Član 4.

Ponuđač se obavezuje da će uslugu vršiti 365 dana, a u skladu sa Ponudom broj P-24-0110, a na zahtjev Kupca.(po uslovima iz tendera odnosno prihvaćene ponude).

U slučaju kašnjenja u isporuci roba, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1‰ (promil) naručene usluge, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluge koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Član 5.

Ponuđač daje garanciju na isporučene usluge 30 dana od dana izvršenja predmetne usluge.

Član 6.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i slično.

Strana u ugovoru pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Ponuđač je jedini i isključivi vlasnik programa OWIS – informacioni sistem za upravljanje dokumentima.

Ugovorni organ ima neograničeno pravo korištenja OWIS - informacionog sistema za upravljanje dokumentima, bez mogućnosti podlicenciranja. Ponuđač zadržava sva autorska prava na programu OWIS – informacioni sistem za upravljanje dokumentima, te nije dozvoljeno dekompilirati OWIS – informacioni sistem za upravljanje dokumentima, bez pismene saglasnosti Ponuđača.

U okviru održavanja, Ponuđač će Ugovornom organu pružiti usluge tražene tenderskom dokumentacijom (Obrazac za cijenu ponude – Prilog br.3)

Nadogradnja funkcionalnosti koje nisu bile predmet tenderske dokumentacije (Obrazac za cijenu ponude – Prilog br.3) prethodno instaliranih licenci programa OWIS – informacioni sistem za upravljanje dokumentima kod Ugovornog organa, nije predmetom ovog Ugovora.

Član 8.

Ugovorni organ će osigurati sigurnosnu infrastrukturu, što uključuje ali se ne ograničava na obavezu i održavanje zakonitog i adekvatnog operativnog sistema, stabilnosti baze podataka, mrežnog pristupa, adekvatnih računara, redovnog ažuriranja platforme i baze podataka, kao i sistemskih softvera.

Ponuđač ne vrši pohranjivanje, niti back-up korisničkih podataka i informacija.

Ugovorni organ je odgovoran za osiguravanje mjera sigurnosti koje su adekvatne za zaštitu svojih korisničkih podataka i informacija.

Član 9.

Ugovorne strane su se sporazumjele da će sve eventualne nejasnoće nastale u toku realizacije ugovora rješavati sporazumno. U slučaju nemogućnosti sporazumnog rješavanja eventualnih sporova utvrđuje se nadležnost Suda u Sarajevu.

Član 10.

Ponuđač nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 11.

Ponuđač može imati pristup ličnim podacima čiji je Ugovorni organ kontrolor u mjeri u kojoj mu Ugovorni organ to omogući radi vršenja usluge održavanja OWIS – informacionog sistema za upravljanje dokumentima za potrebe Ugovornog organa.

Ponudač ne preuzima, pohranjuje niti vrši back-up informacija i dokumentacije Ugovornog organa koji bi mogli sadržavati lične podatke.

Ponudač nije obrađivač ličnih podataka u smislu Zakona o zaštiti ličnih podataka u Bosni i Hercegovini, osim ukoliko Ugovorni organ ne ovlasti Ponudača na obradu ličnih podataka po osnovu ugovora o obradi kada će djelovati samo prema uputama i u ime Ugovornog organa u skladu sa ugovorom o obradi.

Član 12.

Na ostala prava i obaveze ugovornih strana, koja nisu regulisana ovim ugovorom primjenjivaće se odredbe Zakona o obligacionim odnosima.

Član 13.

Ugovor stupa na snagu danom potpisivanja ovlaštenih predstavnika ugovornih strana i traje do realizacije ugovorene vrijednosti.

Član 14.

Ovaj ugovor sačinjen je u 4 (četiri) istovjetna primjerka, od kojih po 2 (dva) primjerka zadržava svaka od ugovornih strana.


DOBA PLJAC
"ORKA" d.o.o. SARAJEVO

direktor, Nedžad Salčić

Broj: U-25-0026

Datum: 18-02-2025


KUBAC
MINISTARSTVO UNUTRAŠNJIH POSLOVA
KANTON SARAJEVO

ministar, Admir Katica

Broj: 04-1-11-4-60203-6/25

Datum: 12.02.2025. godine